

DE
SYNDICATVS
INSTRVMENTIS GANERBIORVM
SVBSIGNANDIS
PROGRAMMA

Q V O

2. *Chlorophyll a* and *Chlorophyll b* were determined by the method of Arar and Collins (1971).

the 1990s, the number of people in the world who are under 15 years of age is expected to increase from 1.1 billion to 1.5 billion. The number of people aged 65 and over is expected to increase from 200 million to 400 million. The number of people aged 15-64 is expected to increase from 2.5 billion to 3.5 billion. The number of people aged 65 and over is expected to increase from 200 million to 400 million. The number of people aged 15-64 is expected to increase from 2.5 billion to 3.5 billion. The number of people aged 65 and over is expected to increase from 200 million to 400 million.

1. The first step is to identify the problem or question that needs to be answered. This involves understanding the context and the specific requirements of the task.

NOTES

... ..

Digitized by Google



§. I.



A est iuris nostri prudentissima dispositio. ut nemo alterius procurator, *) nisi eius mandato **) esse possit, praesertim si postulet sibi dari actionem. Cuius rei non vna prostat ratio & ita statuendi fundamentum facile apparet singulis. Qui enim fieri potest, ut illud, quod suum non est, in iudicium deducat aliquis, inuito domino, quo is de re sua laboret? A cedit & hoc, quod ea ratione reus in periculum frustra detradatur, ac si contingat, ut hic absolvatur, elusorium

A 2

pro-

*) Erat honor romanis per procuratorem posse litigare, ut ex lege ultima C. de iniuriis concludit vir summus ANTONIVS SCHVLTINGVS in *iurisprudentia vetere ante-Infimianca* p. 222. n. 3. Constituebatur vero procurator mandato, ut patet e lege f. pr. D. de procuratoribus, a praesente, absente, verbis, litteris, per nuncium, testante PAVLO libro I. *sententiarum* titulo III. §. 1. & L. ult. D. h. t.

**) confer virum ingenii elegantia & iudicii acrimonia valentem, NICOLAUM HIERONYMVM GYNDLINGIUM in *digestorum* libro III. titulo III. §. X. p. 297.

profecto euadat iudicium, si repetatur. Immo fac reum condemnari in hoc iudicio, in quo procurator absque mandato postulat; finge porro ipsum soluere; certe non liberabitur ab eo, cuius nomine procurator agere fuit ausus. Hinc recte iureconsultorum princeps, GERARDVS NOODT *) quocunque, ait, litis fortuna inclinet, rei captio est, si actoris nomine postuletur, nec mandatum adferatur. Ex quibus sequitur, vt, si procurator absque mandato agere connitatur, & de mandati defectu constet, tunc ille frustra interueniat ex actoris parte, ceu patet e lege XXIV. C. de procuratoribus & defensoribus. **)

§. II.

Vnum ergo ante omnia debet obseruari. vtrum videlicet mandatum sit procuratori? seu quod idem est: numquid ei illa causa, de qua agitur, sit mandata?

§. III.

Si de mandato constat, sacratissimus legislator iubet cum cura circumspicere de illo, qui procuratori mandatum agendi fuit largitus. Ea est mens legis I. D. de procuratoribus & defensoribus, haec est sententia legis XXIII. XXIII

*) In commentario π. ad titulum quod cuiuscunque vniuersitatis nomine.

**) De rato qua ratione caueat, disquirat laudatissimus SCHULTINGIUS p. 224. n. 5. & 6. in primis rei interest dominum, siue eum, ad quem res pertinet, id, quod procurator agit, ratum fore habiturum, per legem XXXIX. §. 1. 2. 3. D. de procuratoribus, ne alioquin reo absoluto victoria effectus destituatur, pr. Inst. de satisfactionibus. quare etiam praetor iubet hunc procuratorem de rato satisfacere boni viti arbitratu lege XXXIII. §. 3. D. h. t.

XXIII. & XXIV. C. eodem titulo. Quocirca necesse est, ut procurator, pro alio postulaturus, mandatum habeat ab eo, ad quem ea actio pertinet, hoc est ab illo, qui ante contestatam litem, actionem, de qua lis est, sibi adquisiuit, nec refert, in rem ea sit, siue in personam; post litem vero contestatam, qui eam ex domini mandatu est contestatus. Instituti ratio non fert pluribus haec nunc hic loci persequi, dum cognita satis sunt, & ab innumeris fere inculcata, explicita & vel sexcenties repetita. Adi interea GEORGIVM FRANZKIVM, iureconsultum acutissime cernentem in *commentario ad viginti & unum libros pandectarum iuris ciuilibis priores* p. 152. ubi pariter conclusiones, quae ex his sequuntur principiis, plures enumerat.

§. IV.

His ita fundamenti loco positis, ad propositi rationem propius accedo nimirum ad ipsius mandati procuratoris formam naturamque. Iam vero de hac ab omnibus ad nauseam vsque fuit actum scriptumque, ut nec lectorem fatigare nec chartam perdere nunc non adtineat. Legat, cui volupe fuerit, Marburgensis academiae ac totius Hassiae ornamentum, HERMANNVM VVLTEIVM de iudiciis libro II. capite septimo, num. 379. & 380. p. m. 441., ac elegantissimam illustris ESAIAE PVFENDORFII *introductionem in processum ciuilem electoratus Brunsvico-Luneburgici*, parte prima, capite vicesimo §. XIII. sq. p. 169. & 170. *)

A. 3

§. V.

*) Adi sis quoque tot parv GYNDLINGIVM in *digestis* p. 308. §. 10 & BERGERVM in *oeconomia iuris* p. 963. 964.

§. V.

Ex iis mandati requisitis, quae recensent multa cura pragmatici, illud inter alia facit ad praesens institutum, quod de subscriptione & subsignatione tradunt iureconsulti, dum, ut mandans mandato subscribat subsignetque, volunt. Quamvis laudatissimus PVFENDORFIVS loco iam excitato §. XVI. tum in foro communi tum in foro Lunenburgico sigillationem, ut audit, praecise desiderari neget, LAUTERBACHII BLVMIIQUE nixus autoritate.

§. VI.

Haec de mandatu vnius domini, quae etiam de pluribus litis consortibus *) queunt intelligi, monuisse sufficiat. Quod si autem de corpore ex distantibus personis collecto, **) vel ut alii vocant, de persona ficta siue mystica ex pluribus quasi naturalibus abstracta & societatem vel collegium constituyente, vno verbo, si de vniuersitate litigante quaestio exoriat: qua ratione pro hac alius in iudicio agere possit? ****) Tunc ante omnia notandum, quod illa e pluribus quidem colligatur: hoc est enim vniuersitas, ubi plures homines sub certis legibus, publica autoritate ****) coeunt in vnum corpus: sed nihilomi-

nus

*) Licet hi pro subito vnum, vel quisque suum procuratorem separatim constituere possint, teste IACOBO BLVMIO in *processu camerali* titulo LXXVII. §. 30. 31.

**) Vide legem XXX. pr. D. de *usurpationibus & usucapionibus*.

***) Nam qui res illius administrant, procuratores dare non possunt, quum non sint domini, ut bene notat doctissimus IANVS a COSTA ad tit. X. de *syndicis*. Et ipsi tamen ut per se agant, non patitur ratio: sed personas certas habere solent, per quas id peragitur.

****) Vide legem III. §. 1. D. de *collegiis & corp.*

nus a singulis, qui in ea sunt, distinguatur : adeo, quum vniuersitatem dicimus, non intelligamus singulos, sed aliquod ciuile corpus, prorsus vt alia sit vniuersitas, alii singuli ex vniuersitate, quos videmus oculis, illam animo concipiamus, oculis non videamus. Vti rectissime legem VII. §. I. D. *quod cuiuscunque vniuersitatis nomine explicuere* V. V. C. C. GERARDVS NOODT & ANTONIVS SCHVLTINGIVS,

§. VII.

Dein monendum venit, quod VLPIANO, in lege III. D. *quod cuiuscunque vniuersitatis nomine*, docente, nulli permittatur nomine ciuitatis vel curiae experiri, nisi hoc ei lex permittit, vel lege cessante ordo dedit. Vbi lex municipii haud prostat, tum ad normam legis vltimae D. *de muneribus* §. 13. decreto vniuersitatis actor constituitur ad defendendam agendamue causam certam ac praesentem, *) qui vocatur syndicus **) aut actor, nec est procurator, sed instar procuratoris. ***) Licet ius canonicum, capit. VII. X. *de procuratoribus*, eam distinctionem plane neglexerit, ac procuratores & syndicos, hosque versa vice procuratores promiscue nominauerit. ****) Nam de syndicis constat, quod non

*) Minus accurate FRANZIVS libro citato p. 158. numero 4. causas futuras huc trahere conatur. Vt in eadem haeant sententia SCHVLTINGIVS ad h. t. §. I. p. 391. nec non GYNDLINGIVS & LEYSERVS.

**) Rationem denominationis erudite, vt solet, tradit DESIDERIVS HERALDVS in *animaduersionibus & observationibus ad ius Atticum & Romanum* libro III. capite X. §. 14.

***). Adde iureconsultum multi iudicii & nominis, AVGVSTINVM LEYSERVM specimine LIV. *meditationum ad pandectas* n. XII. p. 594-595.

****). Inde causa est in aprico, cur iureconsulti practici syndicos etiam vocent procuratores, vti factum legimus a LVDVICO GYNNERO MAR.

non dentur mandato intercedente, vt procuratores, sed constituantur interposito decreto, teste V. C. ANTONIO SCHVLTINGIO in *enarratione partis primae digestorum* libro III. titulo IV. §. I. p. 393.

§. VIII.

Quum itaque procuratori mandato opus est (§. I. & II.) & quibus dominus eum sibi constituere debet (§. III.); singuli autem ex vniuersitate, litigaturi tanquam vniuersitas, non sint vt plures, sed tanquam vna persona considerandi (§. VI.) : sequitur, vt ea defensore egeat, qui vocatur syndicus (§. VII. nota**), hicque procuratoris instar sit (§. VII.) & aeque ac procurator, nisi mandatu instructus, valide agere nequeat. Ex hisce porro consequum fit, vt syndicus syndicatum in iudicio producere debeat. Non adtiner huius requisita e MYNSINGERO aut VVLTEIO aut BERGERO huc transcribere, quippe nostrum non est, vt, si nouis lectorem recreare nequimus, ipsum protritit atque vulgaribus onerare sustineamus.

§. IX.

Quibus rite positis ac in medium ea, qua fieri potuit debuitque breuitate, prolatis; ad rem ipsam progredi iuuat atque monere libet, moueri interdum lites de syndicatus instrumentis a familiis vnius gentis, principi subiectae, ac priuato ganerbinatus vinculo post hominum memoriam iunctae, datis. Modo enim illa instrumenta valida esse negant,

TINI in *commentario forensi ad Ioannis Georgii I. ordinationem processus iudicarii* titulo VII. §. 3. n. 66. propterea GYNDLINGIUS loco citato §. I. p. 322. per se liquet, ait, parum interesse, syndicum appelles procuratorem, an minus? quum dominium litis apud nos nullum sit, iure scilicet Germanico.

gant, si communi ganerbinatus sigillo tantum munita, nec subscripta fuerint, nomine senioris familiae adiecto. Modo formulam impugnant subscribendi: *Sammliche N.N.* Nunc a singulis eiusdem gentis eam subscribi postulant iudices. Cuius controuersiae, magno agitatae motu, uti decisionem mihi arrogare nequeo; ita meo scribendi genere si molestus esse cuiquam vellem, admodum foret temerarium. Dicam ego quod sentio, mihi que videtur vero quam maxime simillimum. Decidant interea iudices ad normam eorum, quae ipsis diuina Themis suggererit, agantque partes suam causam, quam poterint optime.

§. X.

Constat inter omnes apud Romanos complura floruisse collegia & corpora, quorum larga leges in V. C. IACOBI GOTHOFREDI ad *codicem Theodosianum commentario*, cedro dignissimo, & quidem torno quinto prostat. Nostrum non est IANI GRUTERI *corpus inscriptionum* vel REINESII vel SMETII vel FABRETI expilare, aliosue horum monumentorum loculos, itemque SPANHEIMI, LIEBI, HAVERCAMP, & qui sunt numismatum collectores, excutere quum satis cognita haec sint iureconsultis litteris *). Nec fugit eruditos collegia licita & ab impera-

B

ratio

*) Vide V. C. IOANNIS GOTTLIEB HEINECCI opusculum de *collegiis & corporibus opificum*, capite I. §. IV. & seq. §. XII. p. 23. 24. 25. §. XX. XXI. p. 39. 40.

ratoribus firmata constituiffe vniuersitates & quasi res-
publicas formasse. Testis est CAIVS in lege I. D.
quod cuiuscunque vniuersitatis nomine. Quin & syndicum
habuiffe & actorem, per quem, tamquam in republica,
quod communiter agi fierique oporteat, ageretur, fie-
ret, docet lex eadem. Habuerunt autem Germani no-
stri, habentque hodiernum sua corpora & collegia. Inter
quirites nec sine decreto illa coire, nec arcam, nec acto-
rem, nec syndicum, nec ad exemplum reipublicae ha-
bere res communes poterant, docente lege I. D. *quod
cuiuscunque vniuersitatis nomine.* Contra si quae fuerint,
dissoluuntur & pro illicitis reputantur lege III. D. *de col-
legiis & corporibus.*

§. XL

Germanorum mores si contuemur, inuenies, vt
alia huiusmodi corpora nunc fileam, ganerbinatus mul-
tos priuato ausu formatos, atque temporis tractu fir-
matis. *) Referunt Teutones nostri ad vniuersita-
tes licitas collegia tam ecclesiastica, qualia sunt canoni-
corum, monachorum, monalium, quam ciuilia, quo per-
tinent

*) De iis enim, qui principis autoritate in vnum coiuerunt, nullus
erit nobis sermo, multo minus aliquid dubii. Et quamuis non-
nulli cuncta collegia pro illicitis reputent, quae nutu summi im-
perantis desituuntur, nec eius priuilegiis firmantur; de ganer-
binatibus tamen, qui sunt collegia, contrarium testatur ex-
perientia.

tinent vrbes, municipia, castra, villae, vici, burga, pagi, communitates, fodalitia, cetera. *)

Haec autem collegia sigilli communis iure vti posse, loquitur experientia, docetque THEODORI HOEPINGKII *de sigillorum prisco & nouo iure tractatus practicus*, capite quinto.

§. XII.

In eo interea dissensum iurisperitorum obserues, quorum alii vniuersitatibus exiguis, castrisque paruis publici sigilli auctoritatem largiuntur; denegant vero alii, ab ipso HOEPINGKIO capite quarto n. 66. nominati. Licet hic contra eat, innuatque se credere cum Germanorum moribus concordare, & vix obstare, quo minus eiusmodi paruis fodalitiis publicam sigilli auctoritatem adstruamus & concedamus. Verum enim vero si excellentissimum GVNDLINGIVM consulas, & § II. libri III. tituli IV. p. 322. *digestorum* eius in partes voces, vel cunctas ciuitates priuatorum loco ipsam habere deprehendes.

§. XIII.

Quicquid hic dissoni in medium proferunt iure-consulti, ego quidem existimo celeberrimum AVGV-

B 2

STI-

*) Vt bene philosophantur diligentissimus CHRISTOPH. HENR. FREIJSLEBEN in *Schüzio illustrato* p. 243. n. 1125. & HENRICVS BRVNING in *dissertatione de variis vniuersitatis speciebus*.

STINVM LEYSERVM speciminis LIV. *meditationum*
ad π corollario primo acu rem tetigisse cum QVIN-
TO SEPTIMIO FLORENTE RIVINO in *enunciatis iu-*
ris titulo septimo §. XXXVI. p. 251. 252. *) Quippe
qui hoc potissimum observare iubent, vtrum videlicet
iurisdictione gaudeat vniuersitas, nec ne?

§. XIV.

Quod si nunc ganerbinatus iuris dicendi potestate
polleat, tum quidem sigillum commune **) syndica-
tus instrumento adpositum, sufficiet, nec opus erit sub-
scriptione. Testem huius veritatis qui cognoscere sat-
agit, euoluat magnae autoritatis iureconsultum GE-
ORGIVM ADAMVM STRVVIVM in dissertatione *de*
iure sigillorum capite III. membro V. &, qui eandem do-
ctrinam firmare videtur, HOEPINGKIVM capite XI.
n. 294. p. 296. clarius vero capite X. n. 81. p. 220.

§. XV.

*) Viderat iam haecce & teste indicauerat, ICTUS in omnium ma-
nibus haerens, LAUTERBACH. in disputatione *de syndicis* §.
LXXV. LXXVI. LXXVII. docens syndicatus instrumentum
subscriptione haud egere, si vniuersitas publico gaudeat sigillo.
Secus erit vbi publico nequaquam instructa sit sigillo.

**) Hoc est sigillum ordinarium ac consuetum. Nam vbi ap-
positum fuerit aliud, nullius momenti & roboris iudicabunt syn-
dicatus instrumentum. Immo nec sufficit sigillum, quod no-
minis ductum implicitum exhibet, vel litteras initiales arsti-
ciose cohaerentes sistit. Cuius rei fidem faciunt perillustres
dominus de WERNHER volumine III. *observatione* CXCVI.
p. 515. & RIVINVS *enunciatorum* titulo VII. §. XXI. p. 241.

§. XV.

Et subscriptio eo minus videbitur necessaria, siquidem moris est, ut huiusmodi syndicatus litterae nomine, ut loquuntur, collectiuo, quod certam tamen determinationem complectitur, formentur, sufficiatque dicere : capitulum, ciuitas, ganerbinatus, reliqua. Dubitantem hac de re conuincet experientia, &, qui eam sua iamiam corroborauerunt autoritate, MYNSINGERVS libro III. obseruatione XVIII. atque IACOBVS BLVM in *processu camerali* titulo LXVII. §. 8.

§. XVI.

Ast quid multa ? Admittit augustissima camera syndicatus litteras generales, quas general-gewalt appellare moris est, a priuatis ganerbiis, landsassis, ut audiunt, & iurisdictionem exercentibus, datas munitasque sigillo communi. Nequaquam desiderans aut vnus aut omnium subscriptionem. Quod si ganerbii vel familiae, eiusdem gentis nominisue, iurisdictione patrimoniali ornati, litteras syndicatus speciales, special-gewalt, camerae procuratori largiantur ; senioris familiae, vel, si bini sint in ipsa constituti per ganerbinatus pactum, duorum gentis suae seniorum, der baumeister, subscriptio necessaria ducitur.

§. XVII.

Verum satis vna superque vidimus haec. Claudio riuos, ne laureolam in mustaceo videar quaerere, & le-

Storum oculi auresque doleant. Interim spondeo, quod nec verbum de hoc argumento fecissem, nisi frustra hanc observationem, in foro nimium quantum frequentem, quaesiverint apud IACOBVM WERNHERVM KYLLINGERVM *de ganerbiis castrorum* & magnum illum NICOLAVM CHRISTOPHORVM L. B. de LYNCKER in dissertatione *de ganerbinatibus*, caussarum patroni, & vtrumque anxie versantes, sed impransu discedentes, non sine taedio illos reposuerint.

§. XVIII.

Quum ergo ganerbinatus, absque principis autoritate expressa coaliti, sint collegia (§. X. *), adeoque iure gaudeant sigilli ganerbinaus (§. XI.); hoc autem vim publici sit adeptum (§. XIII.): sequitur, ut in syndicatus litteris generalibus sigillum eis impressum sufficiat (§. XIV. XVI.), & in syndicatus instrumento speciali ganerbiorum cunctorum subscriptio non desideretur, sed maioris natu vel duorum seniorum familiae nomina ei inscripta plenam faciant fidem, (§. XVI.).

§. XIX.

Verumenimvero ne harum rerum rubigine aut farrigine cuiquam molestus sim, pedem hic figo, ac vulgati illius memor, quod variatio delectet, verborum meorum stribligini finis, atque decretum esto e fori tritura ad armorum strepitus, quibus tota fere Germania resonat, abire, ac STATVVM animos, belli ardentis cura occupatos, paullo penitius introspicere.

§. XX.

§. XX.

Non certe ea mente, ac si de ipsorum consiliis bel-
licis, iisque arduis, agere aut possemus aut vellemus.
Nostrum non est huiusmodi causas cognoscere, multo
minus de illis negotiis iudicare, sed satis erit didicisse
prudentiae artes, eaque recensuisse consilia, quibus bel-
lo imperii sollemni vtuntur STATVS, horumque amici.
Oraculorum instar haec veneranda veniunt nobis, ne-
que facile violanda erunt haec sacra, sed saltem, vt STA-
TVVM mira sapientia, ingens labor & innumera inde
innotescant incommoda & damna, quae pro CAESA-
RE & IMPERIO & bono publico sustinent, sunt enu-
meranda. Eum in finem hoc de argumento dicam
ea, qua priuatim decet, pietate ac cultu maximo. Post-
quam enim SERENISSIMIS HVIVS ACADEMIAE
NVTRITORIBVS, DOMINIS MEIS LONGE CLE-
MENTISSIMIS, visum fuit Professoris iuris ordinarii
munus mihi demandare; futuro lunae die, qui est
XXXI. Octobris, oratione sollemni, loco consueto ha-
bendam,

OBSERVATIONES PRACTICAS

QVIBVS

BELLO IMPERII SOLLEMNI

VTVNTVR

STATVVM CONSILIARII

TVM

TVM IN CONVENTIBVS IMPERII ET CIRCVLORVM
TVM IN PROVINCIIS OCCASIONE MILITIS TRANSEVNTIS
PABVLANTIS HIBERNANTIS CET.
recensere decreui.

Ad quam beueuole audiendam MAGNIFICVM
ACADEMIAE PRORECTOREM, ILLVSTRISSI-
MOS COMITES, VENERANDOS EIVSDEM PRO-
CERES, PATRONOS ET FAVTORES, suis quemque
honorum nominibus conspicuum, itemque HONORA-
TISSIMAM, DILECTISSIMAM ET SVAVISSIMAM
GENEROSORVM AC NOBILISSIMORVM COMMI-
LITONVM CORONAM ea, qua par est, obseruantia,
cultu & humanitate inuito. P. P. die XXX. Octo-
bris clc lccc xxxv.



BIBLIOTECA NAZ.
ROMA
V. M. M. M. M. M.